

石
匱
書
後
集

石匱書卷第四十六

萬楊郭揭詹曾陳胡傅徐列傳

萬元吉字吉人江西南昌人天啓乙丑進士年
十九司理湖州陞大理寺評事性英利踈曠不
當時宜而好議論初官用是不達時二寇流毒
中原元吉乃以南兵部職方從閣部揚嗣昌軍
前贊畫護軍楚蜀驅馳備辛苦身止隨一僕偃
側戎莽不通家書者七八年轉本司郎中出知

揚州弘光中陞太僕寺少卿時高杰入淮揚大掠且請妻子安江南廷議警亓元吉慨然請出諭止因受命監軍駐滁陽請追卹前陣亡將猛如虎劉士傑郭閔猛先投等并訟薊遼舊督趙光抃之冤以鼓敢戰之氣時揚淮六合一帶所在兵民互格遂上便宜以為鎮兵素少紀律民競自衛益復鴟張一城之隔民以兵為賊兵以民為叛內自擄貳粹有賊至何所用之請令居

民盡移城內間出城外有無貿遷各將領派兵
宿駐嚴禁毀傷勿得強禦又云目前急着回應
排難解紛而尾大未流亦急防微杜漸遂移書
告勉靖南伯黃得功期以首倡協恭共獎王室
仍清褒揚得功示勅諸鎮會廷議上諸尊謚元
吉復䟽建文君年號宜復景皇帝廟號宜崇靖
難死事諸臣謚蔭宜補又請錄崇禎末北京各
省直城陷殉節諸臣採輯成書分別二等酌與

蔭謚廟祀且頒行學宮廣示激勸詔可之於是
追恨往事之失欲盡力懲愆以急救封疆疏畧
曰臣惟主術無過寬嚴道存兼濟官常無過任
議義貴相資先帝初臨海宇懲逆瑞用事斷
削正氣因嘗委任臣工力行寬大矣諸臣但之
爭意見之玄黃累網繆之桑土鹵入却圻束手
無策于是赫然振怒一時宵壬遂乘間抵隙中
先帝以用嚴之說凡廷杖告密加派抽練種

新法使在朝者不暇救過在野者無復聊生然
後號稱振作乃邊警如故寇禍彌張十餘年以
來小人用嚴之效彰：如是先帝悔之於是更
崇寬大悉反前規天下以為太平可致諸臣乃
復執賄賂肆欺蒙每趨愈下再櫻 先帝之怒
誅殺方興宗社繼沒蓋諸臣之孽每乘於 先
帝之寬而 先帝之嚴每激於諸臣之玩臣謂
寬嚴之用互偏者此也國步至今艱難已極勢

有極重不可挽以理事有默救不可喻以言乃
議者求勝於理即不審勢之重輕好伸其言多
不顧事之損益即如昨歲督師孫傳廷坐鎮閩
中識者俱以不宜輕出、則兵露運絕立見敗
折然已有逗撓議之者矣賊既渡河臣即與閣
臣史可法姜曰廣等云宜亟撤閩寧吳三桂俾
內迤迎擊以固三輔 先帝召對亦曾及此然
已有感地議之者矣乃賊勢薰灼廷臣勸且南

遷并及聖儲監國留都語不擇音要亦權宜使
然又已有邪妄議之者矣天下事無全害亦無
全利當局者不敢違衆獨行旁持者必欲強人
從我由事後而觀即悔恨何補臣謂任議之途
太畸者此也夫事前之失為事後之鑒誠以寬
為體嚴為用崇簡易推真誠為寬則濫賞縱罪
者非寬辨邪正綜名寔為嚴則鈞鉅披根者非
嚴寬嚴得濟任議乃合 上不復省及南都陷

鎮將金声桓隨以江西降清元吉野走声桓以
書招之元吉作書以絕使曰某賦性迂執與世
多違屬有建白皆預計曲突而勅加阻抑誤國
之罪千秋青史與分過也前者乘輿潛出猝不
及知莫由隨蹕脫身歸來焚燒衣冠矢以泉石
沒世昔太公秉鉞先釋首陽餓夫秦政刑灰不
錄龜源雞犬台臺惠顧夙好欲強被以圭組夫
人相知貴相知心台臺與某周旋兵火擾攘之

中尚不知其磴；小節膠固難通乎從古良臣
忠臣但聽人自取其一台臺自為良臣某得為
忠臣其揆則一譬以一葉置洪水中幸而見容
則為陶靖節惟台臺之賜不幸而見逼則為謝
疊山志也伏望台臺俯垂鄙分嚴哉鄙伍撫綏
宗氓凡紳士行藏聽其自便令此一方人皆謂
不佞與台臺有口舌功即屬雲霄高誼昔不佞
與史相公書札往復常謂事不濟則繼之以死

今史不食前言幽冥之中安忍負此良友也
聲拒得書亦不復強至丙戌吉郡失守復陷萬安
元吉以虔院督師與總憲陳賡兵曹王其宏並
議列柵張家渡以拒北兵不則皂口而諸軍風
鶴且潰陳賡以滇兵先入虔元吉獨留皂口八
日時太僕卿李陳玉兵科給事中楊文薦等先
在虔力請相國蘓觀生江撫劉廣胤吳蔣顛兵詣
皂口協戰觀生僅遣新威營二百人已北軍大

至二百人先潰元吉乃抵虔時虔人倉卒兵曹
萬六吉欲以元吉家人潛出元吉大怒至欲殺
其二妻以殉虔心稍定遂檄南雄南康咸以兵
來會已北軍猝至方議堅壁而蘊觀生率所部
退守南康於是滇粵諸師至南康者不即下四
月閣部楊廷麟乃以兵入虔而南雄舊虔督令
副將吳之蕃等部援虔之師接戰清師於李家
山九牛之間大有斬獲益諸師會虔下餘壁頗

銳思戰詔加元吉兵部尚書元吉持重必合南
安水師始出戰時水涸舟難下八月北兵截舟
師半道盡瀾城外幾奪西門孫之獬為清招撫
射榜城中勸降元吉火之不省視九月北軍并
有南康諸軍益潰去十月城陷元吉自持槊戰
於小南門不利走建春門諸軍擁出城外乘間
投水死元吉守贛金聲桓圍之一年城中食盡
元吉發書某、請援兵一書截一指絨牘內血

淋漓書面城將陷其子說元吉降元吉大怒手
及其子以頸血貯盆水呼各將士歃血同心誓
死不變城中斗米八千錢餓死者相枕藉而軍
民之心死守愈固時人比之張睢陽。

楊廷麟字伯祥號機部江西清江人已巳選貢
出督學蔡懋德之門庚午高南雍明年會試第
二改庶吉士授編修博學好竒嘗慨持符壁原
上者庸懦不力每奮槊欲起會兩寇劇甚遂自

請監軍戊寅改兵部職方司主事軍前贊畫出
走楚豫之間久之因左右掣肘不得志己卯罷
去壬年起原官尋亦去弘光中起故翰林原官
廷麟曰吾便盡收河南北故物還闕下不足逢
馬士英一眚病不起乙酉南都陷故帥金聲桓
降清遂以師破南昌撫建廣皆陷諸生就公何
處廷麟曰義不辱區影臣虛如晉處士潛己矣
生曰彭澤小臣公以大臣為五柳計乎廷麟感

起振義旅來會太和與道臣彭期生合會隆武
正號閩中進廷麟大學士兼兵部尚書督師恢
復遂與大司馬郭維經協守吉安城堅清兵突
不入已而糧竭不能守廷麟走檄粵中一戰復
之逡巡者數月而外援不至鼠雀且盡丙戌三
月吉安復陷廷麟復聯絡王闖總及張安各義
兵自雩都來虔與虔撫萬元吉兵垣楊文薦等
戮力城守是時李家山九牛之間與北軍決戰

屢提有詔旌異改郡名為忠誠府而文薦專守
西門當北衝尤多奇技久之會度下者十餘壁
約可四萬餘人時敵艘得水漲飛帆梯十八灘
上石齒不為阻列營城東北山麓距城二里許
日每三四鳴角張雲梯渡水過城亦鳴礮應
之多所殺傷則必馱屍以去嘗潛舟尾角伺城
城中夜縋五百人挾束薪翼以火筒火銃縱
燔之敵灼逸去有白馬紅披為略陣指揮敵及

之猝墮馬。墨將軍者方浴幕中。優深盆不起。左右
不覺也。火乃知飛礮所中。敵或伺靜處以雲梯登
陴。附堞蟻上。則蕪萬人。敵擲之火。發插烈。鉄菱飛
出。若火鴉。登陴者震跌。負傷走家。後夜。選死士千
人。負九龍鎗。亂飛而渡。猝發鎗火。延帳房。數驚顛
踣。去城頭鼓噪。震天地。遂登舟。拔營走三十里。圍
城二月。城堅不可猝拔。因盡屠諸縣。以孤處已而
敵益至。而守處者。頑皆推宜。廟筭不足。無專制以

故諸壁自以起義不稱使而寔無現報廷麟語元
吉此不足戰也須大駕來會檄南安水師與共事
八月水師半道為北兵所截兵仗火具一時燼廣
營滇營稱竄強廣兵跣足跳山如飛滇兵甲械利
標鎗連弩洞冑穿札時壁東南城外清兵乘勝掩
之盡潰去虔勢阻九月清兵力攻西門己登月城
廷麟等力督死士縋城格開且退去清兵還取南
康虔勢益孤各師迄借端稍引去城中僅郭維

經江起龍汪國太金玉振徐日新王志忠等部
不能千人而別部謝之良數千人次霄都觀望粵西
援兵踰嶺不即至廷麟左右支吾心力瘁盡嗣聞廷
平失守駕奔汀州輔臣蕪觀生託逆駕去亦邀廷
麟廷麟曰吾必固西粵門戶以待廷麟 此矣已
而汀信阻絕人心皇皇廷麟曰靈武不終天哉
十月清兵間知條單初三日午夜天火如雨墮
營中清前部由小南門踰城入城中倉卒卷

戰猶勝負互總兵劉天驄力殺北軍數十人黎
明清師大至大司馬郭維經促水師砲連發
四十八門皆烈清師盡入城縱火城中士民猶
奉廷麟義格聞死者無算諸池井積屍幾滿廷
麟以事不可為投藕池死北軍爭得其冠服以
為功二妾率婢亦投井死時同難郭維經萬
元吉彭期生姚奇胤黎遂球皆別有傳經歷盧
觀象叅將月中桂同池水死王其宏安福人以

選貢官兵部主事守東門初被礮傷額見執罵
不絕口死弟貢生其隆從之龔荼新建人崇禎
癸未進士官政吏部與其隆全督水師入贛墮
馬卧病卒擁出湧金門投水死萬發祥清江人
癸未進士官翰林兼兵科守小南門城陷為亂
兵所害莊以莊贛州人為監紀知縣城陷與其
弟諸生某咸自盡被執至南昌者四人都御史
楊文薦兵部員外於期昌提兵劉天馬副將汪

起龍文薦湖廣京山人癸未進士屢捷西門城
陷方投水被執期昌湖廣黃岡人已卯鄉薦與
天馬起龍三人俱就刑獨文薦得釋入山憤懣
死而廷麟故貢試督學蔡懋德甲中年已先死
賊難

郭維經號六修江西龍泉人少孤貧依僧寺讀
書輒以道學自勉為人端嚴清潤天啓乙丑進
士以縣令起歷任留都操江御史事隙即詣羅

明德祠講學四方從者谷量雲屯以定策勲陞
應天府尹晉兵部尚書與馬士英不協遇事飭
之士英潛上疏降級視事會北兵逼淮士英欲
以奉兵失機坐之都人數千詣闕乞免僅革職
回籍復遮羅不得去留城外且半月北兵渡江
乃合閭部楊廷麟突起龍泉山中丙戌六月隆
武義維經以原官加勅總制提所部三千人入
虔共城守間二三捷清兵不能下及南安水師

巨舟八十餘號為清兵所覆滇廣兵尋潰虔人
喪氣衆漸逸去維經奉關手勅至再將以九月
望日行逆蹕城卑廷麟回留且止遂與兵科萬
發祥兵部王其宏等聯屬鄉勇約各社長會於
明倫堂維經與萬元吉共致檄定迴環巡城規
制士民稍振十月清得間從小南門入維經
拒戰東門不利衆兵擁入嵯峨寺縱火焚死時
同難多人死火者為袁從諤號昌言湖廣柳州

人已外鄉薦督楚師來贛守西門中書舍人劉孟鈞號和倪安福人丁卯鄉薦守建春門

揭重熙字萬年江西臨川人以崇禎己巳選貢例出督學蔡懋德之門丙子赴五經南闈坐違式故而北闈以兵事急更期則重繭徒步疾走北闈必以五經是年竟得雋丁丑成進士亦以五經授福寧知州在官廉勤樸素昆弟視其任行李不辦歸治有聲本省同考憂去癸未擢南

禮部主事國變歸唐藩正位閩中轉兵部職方
司閩亡歸里永曆二年戊子清督師金聲桓反
清南昌詔加重熙兵部侍郎集萬人應聲桓期
年聲桓敗重熙猶創呼撫贛閩廣間與曹大錫
勢合歷三載屢跌復興久之糧盡衆解請求之
急偽為賈短褐芒履亦重餉數千里隻身謁
上桂林痛哭陳情有曰臣足萬里不躓願馳內
地亂清而李將軍以正兵東徂吾蠹虫或補萬

一願得尺一之詔奮諸敵 上曰善立授兵部
尚書加銜太子太保以廣兵數百人從復鼓義
旅奮擊江閩間清不能難者暮年已而復不振
棲武彞山自保便服私出相形後鄉人洩之清
縛詣建寧獄出訊重熙百不屈獄中著天文兵
法等書猶作詩寄同鄉故人借書夜讀蕭然自
得同獄駭之絕不及家事閱半載臨刑猶加
綢正幘與曾大鎬同難遺筆云行年四十有七

不為天官至大司馬不為卑文章政事粗有名
於時不為辱所耿者數載孤臣竟無一當以
報君父雖不殺賊於生前死作厲鬼報諸帝於
地下也後之志大而才踈者其亦可以為鑒矣
遺詩數百首不及錄有子一名時年十二清督
學拱纘前令寄名於學亦并寄傳鼎銓羅萬藻
子於學

詹兆恒江西永豐人崇禎辛未進士授甌寧縣

令丁丑考選南京廣西道御史己卯巡視下江
乙酉入閩為隆武部院率義兵千人守懷玉山
北兵至衆寡不敵被執不屈死之妻某氏驅去
幾受淫噓鞭手齒透其骨遂遭害

曾應亨號望山江西臨川人崇禎甲戌進士歷
吏部郎中主選得罪免嘗語傳曰銓吾能刺腕
血逆流上臂又能日中仰睇絲辨五色不眩鼎
銓以為天賦之奇乙酉分里起義抗清不勝被

執語不恭及難長子有筠乙酉選貢同日殉父
而大應亨應之兄也積太學生為邑丞陞廣西
靈川知縣歷任潯州太守清兵絳至潯大應方
朔日詣文廟守弁奔清入遇大應廟門之外問
何官大應分必死從容應曰我此城太守也正
欲見汝主帥兵以其坦不懼疑與主帥有舊不
敢虐遂以其家屬同赴潯州大應妻父卒惟一
妾隨大應碎推妾墮井中俯井為一歎既抵潯

卒欲其易服見帥大應叱之方巾潤袖揚步至帥門大笑曰此吾死所矣遂與一刀無多言或有勸之降者輒瞋目罵遂見害

陳泰來號剛長江西新昌人崇禎辛未進士官兵科給事中乙酉金聲桓復南昌筠與省隣聞士人多嚮應從載國士議遣楚副將以兵至新昌盡劫其邑之鄉紳以往泰來憤然誓師欲討南昌去三十里與北兵戰於胡城泰來鏖戰陣

中為亂兵所殺先是甲申闖賊敗竄期徑道新
昌走長沙將兵禦截李自成奔八公山九日登
高鄉民群以挺擊殺自成寔泰喪功也里人生
祠泰來東郊十里有石柱一丈韜陳剛長先生
殺逆賊李自成於此

胡夢泰江西鉛山人崇禎丁丑進士官吏科給
事中南都陷夢泰在籍破家起義死守鉛山北
兵圍之數月力盡城陷夫嬭同縊死之

傳鼎銓江西金谿人崇禎庚辰進士官翰林院
簡討乙酉與楊重熙起義力盡被擒巡撫待之
以禮勸降不屈復使作書招撫重熙禹銓笑曰
豈有已不降而勸人降者乎因引文：山罵零
丁洋詩拒張洪範事以答之在獄賦詩有誓心
誓舌吊曾董山萬吉人楊機部劉孝則劉生妻
妾雙烈歌及拒降等詩數十首作正命銘以待
盡銘曰經嚴霜夏義大復仇民安勿獲主辱何

求生不負學死不降志取義成仁庶畢吾事臨
刑有輿赴市衣冠如平時僧子言衣在不可行
刑請去衣乃袒其項又云直立難以行刑命取
小椅至坐而受刑談笑自若毫無變容清省試
諸士聞之多有泣下不終場事而去者數十餘
人

徐敬時江西鉛山人崇禎庚辰進士為倪文正
所取士乙酉北兵至江西敬時走閩中奉隆武

隆武遁歿時歸至永豐與土人楊文聚衆萬餘人踞守九仙山此山峭壁千仞下臨絕壑上之者須接長梯緣崖鑿孔架成棧道聞北兵至則徹去棧道猿鳥不通上有大池大旱不涸所積糧儲可食十年自乙酉至癸巳虎踞在山人不能犯江西撫按請發浙閩及豫章三省兵圍之一年有餘不得下癸巳九月楊文為流砲所中彈入咽喉立刻死衆心不同議下山歸降歿時

見事不可為乃作絕命詩四首一曰國破家亡
難乞身半生嘗膽悞凡塵由來取義成先哲不
使文山只一人二曰泛河木偶枉詩書侍整乾
坤福不如龔勝含悲李業泣何當綴甲立溝渠
三曰父子相呼地下從結纓何事丘陵封須知
表最求先盡靈虔於今愛逢四曰歸與歸與
嘆年々於義得之不怨天爭似九仙乾淨土無
煩半陌招魂錢自縊死之九仙山男婦數千人

昇揚徐二棍投降巡撫戮揚文屍而不及歿時
時人謂之天意二子甫弱冠並釋歸業

石匱書曰大史公傳留侯謂似婦人好女人多
不信萬吉人少年登第美如冠玉其慷慨激烈
之氣雖古之俠士不是過而當其死守贛州截
指請救則是張睢陽與南霽雲且合為一人以
貌取人可謂萬吉人決能辦此哉揚郭傳曾與
吉人同事而唐胡陳以倡義存魯徐揚以頑民

守雖皆錚錚一時之選也

又曰癸巳八月余上三衢入廣信所過州縣一
城之中但茅屋數間餘皆蓬蒿荆棘見之墮淚
訊問遺老具言兵燹之後反覆再三江西士大
夫以嚮應金王株連殆盡言之可憫及至信州
見立誓死守者尚有數十餘處而鄉村百姓強
半戴髮縉紳先生間有存者皆隱匿山林不見
當道文士有知名者不出應試昂草已十載雖

邑頑民猶故主之思舍此以往天下所無也
之千古節義多出江西廬陵廣信垂範不遠木
本水源感發有自不其然哉

石匱書卷第四十七

堵胤錫何騰蛟列傳

堵胤錫號牧遊南直無錫籍宜興人崇禎癸酉
鄉薦丁丑成進士授南京戶部主事胤錫性敢
達入糾紛不奪負膽走人緩急常盡發本部積
弊碍堂上官勿忌也移榷北新閘時流寇充斥
意勇勦捷遂呂榷餘飽募士五千餘指身夙夜
為練轉奉司即中出知長沙府即以所募之任

陞湖廣提學副使號知人弘光中擢湖廣巡撫
乙酉左師東犯檄龍錫同事意清君側龍錫曰
是輔胤也獨不從而身避之湖南：都而龍錫
捍楚力先自李賊為清平西所敗入秦復間走
楚自成逆犯死衆尚數萬餘龍錫曰賊子錦素
號一隻虎然不辨衆今踉蹌無所歸呼之必來
足以應清仗時何騰蛟亦駐節湖南力持不可
即欲遣無人龍錫曰吾往遂數騎當其營賊列

騎數十里。湏之。龍錫冒鋒鏑。直入。盛稱閔威德。
李錦隨奉表入。閔詔賜名赤心。朝論以龍錫功。
陞兵部侍郎。督師騰蛟稍忌。然湖南即安。數年。
賴之。閔敗。永曆即位。肇慶以擁戴。勲拜大學士。
兼兵部尚書。督師如故。己丑八月。至肇慶。陞見。
奉命復鎮湖南。行次封川。病卒。上命程峴往。
卹其家人。半道為賊所殺。不果卹。

何騰蛟字雲從。貴州黎平人。浙江山陰籍。以萬

曆乙卯鄉薦為人嚴正不可干以私歷湖廣巡撫都御史弘光中陞川湖黔鄖總督乙酉寧南侯左良玉擅稱首犯金陵號清君側叔騰蛟以行騰蛟義不從潛起夜投江自沉迺若有人掖之者漂武昌居民驚視之始知為督撫逸湖南觀變時黃澍叅其擅離職守已聞南都陷唐王正位於關中人心頗惑布檄出師畧曰悲哉時至今日成何世界胥於禽獸矣兵家五字戰守

死走降以今戰守勿道又諱死不言走乎我瞻
四方將安往乎降乎無論毀形昧心義所不忍
豈不聞諸公旗下推辱萬狀乎戰守不成走降
非策則惟有一死語云死士一萬橫行天下苦
寒此七尺耳不能往無不濟復君父之大仇雪
人類之大恥昭君臣之大義此七尺又何曾死
勝蛟不敏標下死士尚三萬願為諸公先驅然
後張將軍先出茶新壁將軍忠永曹將軍出猶義

合窺章貢黃將軍出醴萍狗袁吉周將軍

全平

伯出醴滋又請號召忠貞十八鎮出與歸

李赤

等必振聯絡川蜀水師出夔峽並下荆襄既無東

憂又張西勢併力直下勝氣在我而况劉將軍

承能以寶師馬將軍以荆師鄧國公王將軍以岳

師虛將軍宜彰以武昌袁吉之師黃將軍總

督標之師張署將向署將牛署將以澧州之師

袁將軍以本營之師王將軍昇岸鳳衛以援勤

之師水陸步騎百道並進或壓其首或繞其背
或抵其腋或披其肢又况齊諸豫漢之雄兵柯
陳黃麻之義旅動以百萬引領南望將一呼而
百應諸君何或何虞不一奮戟乎今與諸君約
從騰蛟言富貴可長妻子可保報仇為忠臣全
髮為孝子不從騰蛟之言富貴朝露妻子俘囚
為叛臣為賊子為禽獸惟所取况朝廷之法紀
尚在 太祖高皇帝大行烈皇帝之靈爽赫然

騰蛟秉尚方不畏強梁寧畏悍帥天下義旗回
指於公恐不能為壽於旦夕也檄到毋惑乃復
馳䟽脩陳楚事畧曰自三月左師潰下武昌隨
陷臣保長沙七閱月兵初至時僅有巡道標兵
二千滿目荒墟調兵不應募兵不及一苦方調
王馬二鎮俾之駐岳赴救武思而猝聞南都之
變人心震沮二苦又數十萬聞賊奔逸滿山巨
水突如其來三苦臣雖聯絡鄉團數百部方向

義就公而終首左孽合勢窺突傷弓曲木旦暮
颺去四苦迎機布置發遣渡江糗饋無從而兵
馬一空拮据更憊五苦長沙時洞庭為阻今武
昌播櫓一帆可至門無阻域無險之難江右係
臣接壤金叛蹂躪僅存一賴發援孔亟粵西亦
係臣切屬靖江不量妄擬監國不能為助反以
為仇無隣之難臣標道標新營舊營精銳實可
三萬月計餉本折六萬餘并湖南北分汛鎮防

者月計十餘萬道路回阻百姓死亡幅員既感
物力有匱則無餉之難逆號遍及處：動搖不
肖先聲馳騫忠義不知為何物威令不行則無
法之難閣陛祖遠入對無時旦夕此心何從呼
籲僅與督學臣堵胤錫長沙道臣傅上瑞監軍
道臣章曠痛憤咨嗟誓不能為功臣當為忠臣
以報陛下
一日之遇則無告之難伏乞 皇上
監治臣存一時防守之公案救臣諸難圖萬全恢

復之上計速與在廷文武會議了徹立見施行
蓋時賊自成為清所敗走死儿宮山其兄子赤
心號一隻虎者同其舅高必振就堵亂錫招而
諸驍騎或詣騰蛟降詔以騰蛟安輯功封為定
興伯拜閣部督師尋進侯騰蛟再疏敦促親征
畧曰 皇上以 高皇帝神孫應南陽聖運普
天血氣莫不傾心讀御極之詔則曰真人出矣
國有君民復有天矣讀親征之詔則又勃然奮

臂曰天兵至矣敵頭可繫國仇可復矣人心萃
渙之際即天命去留之關乃者期已屆而仍稽
兵出關而中畫使天下志義之倫始而企再而
思三而疑茲具懼矣遐邇通情正需此日事機
一失安能再來河南為天下之中荆襄居上游
之要誠能力破淺謀獨抒神斷由虔贛以入楚
豫用中原之智勇以取中原之勢既張大權在
握天下全局指顧間耳偏之與全守之與創六

小經權各有其宜不圖其全終隔其一我之所
往彼亦能來臣等疾首痛心誠不能以逆料也
夫餉不思輸日糜則匱兵不可設善用斯強更
何貳何虞而局濡不決乎駕即延平師終不進
丙戌閏敗十月桂王即位于端州明年丁亥清
取湖廣騰蛟戰敗時上在武崗來歸勳臣劉
承胤害騰蛟奪其權扶帝駕以自制騰蛟率
諸臣請移蹕不聽因合疏畧曰臣等推原禍本

其端不一曰上下之情不通一曰文武之氣
不奮一曰形勢之籌不豫一曰嫌疑之審更不
消自陛下入武崗以來不揣何故而賢臣閉忠
臣感詔旨失其鄭重法紀等於飄忽格々非一
事鬱々非一端任事者無不曰吾為天子報効
而奄々之氣每多不振無乃譏諛之慮深於內
而精神瘦於外乎無乃忠矢入日不足鑿而功
建於外深可危乎使武崗果有山川之險兵甲

之雄粟米之富粗號偏安然未有處一隅而剛
四海之大者况堂：天子各珙皆欲爭奉之以
成其大而欲舍人心以祈天命漢唐宋以來未
之前聞今日移蹕大計歆惟 皇上自擇自行
督師一人扈駕敢有借題議迎議留議逸者惟
衆共殛之祈永已靖桂林無恙甯楚粵之要莫
先全永俟衡長報復仍還湯沐 皇上一啓行
而嫌疑消形勢豫文武奮上下通保宗社者在

此保武崗者亦在此承龍尚別借以奪衆議騰蛟乃特糾之有曰承龍所爭者不過蛙蟻小聞臣與天地抗盛衰之運承龍所爭者不過蟪蛄虛名臣與世界辨人禽之關承龍故為騰蛟所薦封爵世蔭已極忘誼反噬及武昌陷承龍降清遂借清兵僇騰蛟家屬騰蛟繼母孫妻徐在繫徐間致騰蛟書曰母近七旬妻亦命婦豈不能如王氏之抉喉而死寔疾望大兵來救麾下

諸大鎮豈盡如承胤負心救與不救惟信到王
氏者先騰蛟小妻之被鹵節死者也初黎平破
王自及仆不能死復引刀抉喉乃瞑時騰蛟答
書夫為忠臣妻為節婦死亦何恨族屬之婦女
既入網羅便是劫數俱應速死與王氏趙氏張
氏同歸地下所不忍言者王陵之母千古傷心
趙苞之報才襄難謝耳 帝下詔褒慰以為非
卿不能有此難非卿不能度此難騰蛟捧詔涕

泣作謝表有云臣讀易之上六利艱貞吉又曰
有悔貞吉內難而能正其志臣知所以自處矣
曾記唐李晟家眷百口陷於賊營軍中有言及
家者晟泣曰天子何在敢言家乎郭子儀與僕
固懷恩不善懷恩使人發其塚墓儀入朝上
問之子儀曰臣久在行間不能禁軍士暴掠今
日之報是其應得臣才品不及二臣而捐軀為
國之心千載而下可以相質已而徐自盡禮而

郎中嚴熈為之請卹詔許建坊迨葬 上跽跽
歷桂林走南寧騰蛟收殘卒於柳州復入桂林
戊子率大將趙應選胡一清焦璉曹志建各路
兵馬復興安圍清全州凡八戰八捷三月破之
又復東安乘勝圍永州清困甚城中人相食遂
與大將馬進忠同守常德已而清來攻常德戰
敗騰蛟棄城走從石門慈利退入土司夏與總
制都御史堵胤錫合力恢復常德七月進忠與

清大戰于麻河殺清卒七千餘人詔封進忠鄂國公仍駐常德而騰蛟屯衡州久之亂錫與進忠隙亂錫令前所招李赤心十營之在夔州者并來常德士民畏赤心殊甚進忠亦慮亂錫勢大札已而亂錫意決赤心且至進忠乘亂錫與諸將盟縱兵民數萬舉火焚城委其壁而率與俱渡湖南而亂錫亦與赤心、葉城渡湖南若尾其後者騰蛟聞之大驚湖南豈能容此數十萬

衆且相抵牾者勢必內變遂有湖北千里一氣
之䟽 上在端州詔進忠出攻長沙赤心出援
江西金聲桓反正之師詔未至而赤心已至湘
潭時官兵皆畏赤心各退本汛顧老營而騰蛟
單身先至湘潭解馬李之難以 上意令各出
師禦境上赤心受約拔營離湘潭進忠先以宣
威伯揚某者一營來就約而全師未至忽騰蛟
故部徐勇之降清者以清騎突湘潭騰蛟方巾

便服坐城遣發聞報上馬出城猝遇清兵被執
勇以其舊勸何騰蛟且降并餽酒食騰蛟不受
反令勇降至大罵餓數日憤噴血卒蓋己丑之
正月某日也揚宣威不得督師所在單騎入城
者七被箭重傷卒進忠逸去而衛國胡一清開
國趙印先棄永州退守全州永國曹志建亦退
保鎮峽閩宣國焦璉部將劉起蛟亦退保平樂
騰蛟初圍封定興伯永曆中晉侯至是贈騰蛟

中湘王謚文忠騰蛟有子文瑞係烈死王氏所
生者也自是衡州復陷赤心竟不能進從桂林
陽出封川至梧州龍錫棲曹志建鎮峽關又與
不合志建殺其標卒數百人龍錫與其子世明
走封川入朝肇慶請以廣東四府處赤心屯守
朝議赤心初奉援豫之命未報不許既留守桂
林瞿式耜請以龍錫代騰蛟督師俾由桂林出
楚桂林諸將恨龍錫以為騰蛟仇曰吾見必生

啖之龍錫懼阻潯州病卒久之子文瑞授詞林
從上病卒南寧

石匱書曰自古中興之佐身肩恢復之任者當
祿山之亂則汾陽王郭子儀臨淮王李光弼當
朱泚之亂則西平王李晟然皆帝在靈武帝在
梁州去行在甚遠然後得以是止自如迄有成
效及至後世未能恢復舊土先為冊立新君南
渡立康王遂有秦檜留都立福王遂有馬士英

福建立唐王遂有劉承胤汴書生曰自古未有
推臣在內而大將能立功於外者此是千古通
病何恠乎何騰蛟之迄無成功也試觀何騰蛟
之出師檄何異岳武穆之達炎奏䟽而堵胤錫
之單騎撫賊亦何異郭汾陽之免胄見回紇有
臣如此而不克竟其用奸臣之為害也可勝道
哉